

醫學辨害



醫學辨害

元正

三



醫學辨害卷第一

南紀弱山

宇治田雲菴

門人

中村是菴

姪

宇治田留菴

訓點

著者
校正

經書類

經書總論第一

夫書載道而傳後世讀者能信則得其道近以解已惑遠以解人惑古來所傳甚多間有不可信者或祖述聖經而雜記怪異或有好事者願



北京中醫藥大學圖書館版權所有

假名託言或太言而流于虛誕或似是而非而為
毀譽或重稱而至過實或強辯而傷于鑿或稱
闕略而違本旨或多傳寫而失舊文或偶不
而有所誤大抵如此等不可輕信焉孟子曰盡
信書則不如無書是非特議書經該以議群書
王安石道引此言而議淮南子亦是議群書故也
今世學者讀書信其不可信者曰是聖經之辭
曰是賢傳之言非唯不得其道反而有為惑矣
夫醫司民命死生所係可得其道也其切於此



可解其惑也。其切於此。縱雖讀聖經。不可輕
影。凡讀書者。欲博且精。博則無所不知。精則無
所不明。自得道深。而無盡取之。左右逢其原。任
質有智。愚志有厚薄。今人其質多。愚其志亦多。
不厚故不能博。又不能精。不博則有所不知。不
精則有所不明。信其不可信者。是以其有所不
明也。若不明而作之。其事多有誤。不知而作之
是卽爲妄作。其事有爲大害。不可無教戒之故。
孔子曰。有不知而作之者。我無是也。又曰。知之

爲知之不知爲不知是知也今爲醫者多其
作僅讀數卷如讀萬卷未讀半行亦如有讀其
其不知而如知見其不明而如明唯欲因循
而受直忽殺人而啓不畏之是卽病家之憂予
所悲歎者也又有徒博而不精者不精則所知
不明不明則所作多有誤不若精而不博之愈
也蓋精則所知必明明則所作無誤欲精者必
以不知爲不知雖不能博而無妄作之害然則
與其欲博寧欲精矣又不讀書者笑曰醫博讀

書者其治反而少効或反而多誤是以有慮過
也予按事理由慮而精人苟無慮何精之有哉
許胤宗曰醫者意也思慮精則得之其治少缺
或多誤皆由徒博而無慮其以有慮過乃大妄
言也予嘗欲博而不能又欲精而不能業醫受
直誠以足羞遂不能無誤唯欲無妄作今自不
能而如此論之是欲使後人無類予也讀者不
可不精矣又不可不博矣

儒書論第二

上古三皇之經合而謂之三墳是卽儒書之始
醫道亦寓其中蓋伏羲仰則觀象於天俯則觀
法於地觀鳥獸之文與地之宜近取諸身遠取
諸物於是始作八卦又作甲曆以通神明之德
以類萬物之情所以六氣六府五藏五行陰陽
四時水火升降得以有象而病之理得以類推
是運氣之始也神農始以耨耰鞭草木嘗味其
滋察其寒溫平熱之性辯其君臣佐使之義宣
其療疾以救夭傷之命百姓日用而不知著本

草四卷是藥品之始也黃帝以人之生也負陰
而抱陽食味而被色寒暑益之於外喜怒致之
於內天昏凶札君臣代有乃上窮天紀下極地
理察五氣立五運洞性命紀陰陽咨於岐伯而
作內經是病論之始也三皇各以其德而王天
下又能盡心而始醫道如此故劉溫舒曰夫醫
書者乃三墳之經是所以醫出於儒而同仁民
也內經曰心者君主之官也神明出焉又曰主
明則下安以此養生則壽歿世不死以爲天下

則大昌主不明則十二官危使道閉塞而不通
形乃大傷以此養生則殃以爲天下者其宗大
危戒之戒之是所論儒醫同道也夫心爲本
陽虛靈而有明德近以照藏府百體遠以照天
下萬物其職無貴於此故爲君主之官神明是
卽明德自應用而謂之出焉藏府亦各有職共
以爲十二官明德有時而昏是以氣稟所拘人
欲所蔽也若變化氣稟拂除人欲本體不昏而
主自明主明則藏府不失職百體自安其人有



不生病而得壽考主不明則藏府失職百體乃
傷其人在必生病而得天殃小則一身安危大
則及於天下故太醫以此攝生擴充而濟萬民
太儒以此修身擴充而平天下後世賤醫貴儒
爲大異其道是不知此岐黃之旨也孔子曰
南人有言曰人而無恆不可以作巫醫善夫此
所謂無恆孟子所謂無恆心者也凡有恆心者
可謂之儒無恆心者不可謂之儒醫出於儒何
以作之乎南人得能知其義孔子所以稱其言



也是以曾德顯曰人有恒心踐履端謹始可與
言醫道矣周禮漢書所載冢宰醫師並列之於
天官不亦宜乎故賈誼曰古之至人不居朝廷
必隱于醫卜范文正公曰儒者不得爲宰相願
爲良醫益濟民之功齊爾予憶假令欲明運氣
者當讀書經舜典及禮經凡全而識天度流行
之數欲明藥品者當讀詩經而識鳥獸草木之
名欲明病論者當讀易經而識陰陽變化之義
如此而後能明可謂真儒醫也易經无妄卦九

五辭曰无妄之疾勿藥有喜又頤卦象辭曰節
飲食書經曰若藥弗瞑眩厥疾弗瘳禮經曰君
有疾飲藥臣先嘗之親有疾飲藥子先嘗之醫
不三世不服其藥論語鄉黨篇第八節曰食不
厭精膾不厭細等言及第十節曰康子饋藥丘
未達不敢嘗之言皆是儒書所謂醫道而謹疾
者所宜用也孟子曰養心莫善於寡欲是雖非
謂醫道其理自相默契心者一身之主心安則
身亦安寡欲養心何病之有多欲累心身此生

病或情欲或姪欲或飲食之欲人之生病無不
始於多欲也故醫家用此言而得爲攝生之要
矣江西醫士黃子厚治富翁病泄瀉痢年深
莫効子厚曰予未得其說未歸一日讀易至乾
卦天行健朱子有曰天之氣運轉不息故閣得
地在中間如人弄枕珠只運動不住故在空中
不墜少有思則墜矣因悟向者富翁之病乃氣
不能舉爲下脫也又作字持水滴吸水初以大
指按滴上竅則水滴筒放其攔則水下溜無餘

乃豁然悟曰吾可治翁證矣即治裝往翁家
喜至即爲治艾灸百會穴未三四十壯泄瀉止
矣是讀易經而悟治病之道其理自相默契
也予亦讀易經而悟治病之道坤卦初六辭曰
履霜堅冰至是小惡長而大惡漸至之謂乃默
契于輕病長而重病漸至之理也然則有惡者
宜戒之於小有病者宜治之於輕長則爲大爲
重無不至危至死內經曰上工救其萌芽下工
救其已成此之謂也予每遇病人用此言而爲

誨其登服藥守禁忌者不日而病無不平復儒
書尚多有如此言醫家取用則道相明矣由欲
明醫道者先讀儒書格物窮理之後至讀內經
不則辭簡義深而不能讀丹溪所謂非吾儒不
能讀是也殷伊摯以來不知幾明醫皆能讀儒
書又能讀內經故非唯濟一時一方足爲天下
後世之醫其事載於傳記學者考則當知焉今
醫有能讀儒書而用藥少功必是忽讀內經者
皆然未有兼能讀內經者少功也吁乎內經醫

之本書不能讀則醫道不明縱雖有讀末書而
施治豈可無誤殺人之害乎今專讀醫書者曰
儒書無微便于醫道又讀末書者曰內經古
不宜于後世予觀其施治誤而多殺人是即不
明故也儒書不可無讀矣

醫書論第三

內經難經二經秦漢以前所作其辭簡古其義
深邃且多傳寫之誤學者苦其難讀故歷代名
家更互著書或詳解或論辯頗得便于學者後